



Broj: 01-2-4692/17
Sarajevo, 04.12.2017

MEDIJIMA

PREDMET: Saopćenje za javnost

Informacija o bankarskom sistemu Federacije BiH 30.09.2017

U prva tri kvartala 2017. godine poslovanje bankarskog sektora karakteriše rast bilansne sume, depozita i kredita, nastavak pozitivnih trendova koji se ogledaju u rastu štednje stanovništva, kapitala, dobiti i pada učešća nekvalitetnih kredita u ukupnim kreditima. Na nivou sistema zabilježen je pozitivan finansijski rezultat, te se na osnovu svega može zaključiti da je bankarski sektor i dalje ostao stabilan, adekvatno kapitaliziran, a likvidnost je i dalje zadovoljavajuća.

Bilansna suma bankarskog sektora na kraju trećeg kvartala 2017. godine, iznosila je 19,6 milijardi KM i veća je za 6,5 % ili 1,2 milijarde KM u odnosu na kraj 2016. godine.

Kreditni, kao najveća stavka aktive banaka, zabilježili su rast od 5,6% ili 683 miliona KM i sa 30.09.2017. godine iznose 13 milijardi KM. U prva tri kvartala 2017. godine nastavljeni su pozitivni trendovi iz 2016. godine, koji se ogledaju u segmentu sektorskog kreditiranja, odnosno većeg rasta kredita odobrenih privatnim preduzećima nego stanovništvu. Krediti dati privatnim preduzećima ostvarili su stopu rasta od 6,6% ili 380 miliona KM, tako da su sa 30.09.2017. godine krediti dati ovom sektoru dostigli iznos od 6,1 milijardu KM i učešće od 47,4%. Krediti dati stanovništvu u istom periodu zabilježili su stopu rasta od 5,2% ili 313 miliona KM, dok je njihovo učešće blago smanjeno sa 48,7% na 48,5% i sa 30.09.2017. godine iznose 6,3 milijarde KM.

Pokazatelji kvaliteta kredita su i u proteklih devet mjeseci 2017. godine, kao i u prethodne dvije godine, poboljšani, što se posebno odrazilo na sektor pravnih lica. Rast kreditnog portfolija, znatno niži priliv novih nekvalitetnih kredita, kao i trajni otpisi, imali su pozitivan efekat na koeficijent učešća nekvalitetnih kredita u ukupnim kreditima, koji je sa 11,7%, koliko je iznosio na kraju 2016. godine, smanjen na 10,5% sa 30.09.2017. godine.

U strukturi izvora finansiranja banaka sa učešćem od 76,9 % ili u iznosu od 15,1 milijardu KM, depoziti su najznačajniji izvor finansiranja. U prva tri kvartala 2017. godine zabilježen je rast depozita od 6,3 % ili 886 miliona KM. Štedni depoziti, kao najznačajniji i najveći segment depozitnog i finansijskog potencijala banaka, zadržali su pozitivan trend rasta i sa

30.09.2017. godine dostigli su iznos od 8,1 milijardu KM, što je za 2% ili 161 milion KM više nego na kraju 2016. godine.

Prema podacima iz bilansa uspjeha, na nivou bankarskog sistema u Federaciji BiH za devet mjeseci 2017. godine ostvaren je pozitivan finansijski rezultat – dobit u iznosu od 232 miliona KM.

URED ZA INFORMISANJE FBA